

# REVISTA SITUASAUN – FEVEREIRU 2017

## ASUNTU NE'EBÉ PRESIZA TAU ATENSAUN

- ▶ **Atividade Partidu Polítiku Hamosu Insidente Violénsia 4;**
- ▶ **Insidente Violénsia Sa'e Maka'as iha Área Eskola;**
- ▶ **Envolvimentu Pesoál PNTL iha Insidente Violénsia Tun.**

### ATIVIDADE PARTIDU POLÍTIKU HAMOSU INSIDENTE VIOLÉNSIA 4

Belun ho nia Sistema Atensaun no Responde Sedu (AtReS) iha Feveiru 2017 rekolla insidente violénsia hamutuk 124. Husi número ne'e, iha insidente violénsia 4 mak liga ho atividade partidu polítiku no número ne'e mós konsidera sa'e kompara ho número average (*rata-rata*) durante fulan 12 ikus (Fevereiro 2016-Janeiru 2017) ho insidente 2.4 kada fulan. Insidente liga ho partidu polítiku ne'e akontese iha Postu Administrativu hanesan Bazartete, Remexio, Uatulari no Vera Cruz.

Iha Postu Administrativu Bazartete, Likisá akontese grupu joven baku joven ida seluk tanba halo movimentu ba-mai ho bandeira partidu nian, maibé momentu ne'ebá la'ós tempu kampaña; iha Postu Administrativu Remexio, Aileu akontese mane na'in rua tolok malu no tarata malu hafoin atividade konsolidasaun partidu tanba ideia la hanesan no tanba hemu tua lanu; iha Uatulari, Vikeké mane ida la gosta partidu polítiku ida, nune'e nia hemu tua lanu ba tarata no tuda militante sira ne'ebé halo hela konsolidasaun; iha Postu Administrativu Vera Cruz, Dili akontese maun ho alin diskute no baku malu tanba diferente ideia no defende partidu polítiku ida-idak.

### INSIDENTE VIOLÉNSIA SA'E MAKA'AS IHA ÁREA ESKOLA

Iha Feveiru 2017, Sistema AtReS mós rejista insidente violénsia 16 mak akontese iha área eskola no akontese durante prosesu aprendizajen. Número ne'e inklui ho insidente 6 ne'ebé akontese iha "Loron Domin" iha 14 Feveiru (Valentine Day). Número ne'e mós konsidera sa'e maka'as kompara ho número average (*rata-rata*) kuaze tinan ida ikus ho insidente 5.5 kada fulan.

**Insidente 4 Iha Dili:** iha Suku Mascarinas, grupu estudante tuda malu no baku malu hafoin asiste jogu iha Eskola Sekundária Nú. 4 UNAMET, Balide; Iha Suku Duyung (Metinaro) insidente 2, ne'ebé estudante ida asaltu ida seluk tanba problema privadu; iha Suku Becora, estudante 1 baku ida seluk to'o kanek tanba hasai foto iha Facebook sein koñesimentu.

Totál Insidente Violénsia iha Feveiru 2017	
Munisipiu	Insidente
Aileu	5
Ainaru	6
Baukau	9
Bobonaru	7
Covalima	5
Dili	54
Ermera	6
Lautein	2
Likisá	4
Manatutu	7
Manufahi	6
Oekusi	5
Vikeké	8
<b>Totál</b>	<b>124</b>

**Insidente 3 iha Bobonaru:** Iha Eskola EBC Balibo, profesóra estajiáriu ho lapizeira sona estudante feto na'in rua nia kelen tanba tau saia badak; iha EBC Palaca, Maliana, grupu estudante asalta estudante mane ida seluk ho ai-dona no kona mós estudante feto ida to'o kanek; iha fatin hanesan grupu estudante baku estudante ida tanba apaga kuadru maibé estudante seluk seidak hakerek hotu.

**Insidente 3 Iha Oekusi:** akontese insidente 2 iha Aldeia Sanane, Suku Costa ne'ebé grupu estudante halo ameasa no asaltu fiziku ba estudante eskola ETAROS tanba profesór foti asaun disiplinár ba estudante 1; insidente 1 seluk akontese iha Aldeia Haem-Nanu, Passabe, ne'ebé família halo asaltu ba profesór 1 tanba fó isin rua ba estudante feto ida.

**Insidente 2 iha Covalima:** iha Suku Zulo, Zumalai, akontese grupu estudante asaltu malu no baku malu tanba estudante ida xoke estudante feto ida ho motor; iha Suku Maudemo, Tilomar, estudante ida buti mestre nia kakorok tanba mestre siak estudante tama tarde.

**Insidente 1 Iha Aileu:** iha Suku Talataqueu, Remexio, eis-Xefe aldeia asaltu estudante ida iha eskola tanba estudante ne'e baku ninia oan;

**Insidente 1 iha Baukau:** Iha Suku Buibau, grupu estudante sira asaltu estudante ida to'o kanek grave bainhira fila husi eskola tanba problem pasadu liga ho GAM;


**Insidente 1 iha Ermera:** Iha Suku Talimoro, estudante baku malu tanba halimar kolu kalsa iha eskola;

**Insidente 1 iha Manufahi:** Iha Suku Babulu, Same estudante sira baku malu uza ai-dona iha eskola tanba goza malu to'o ida hetan kanek grave iha kotuk laran.

### ENVOLVIMENTU PESOÁL PNTL IHA INSIDENTE VIOLÉNSIA TUN

Iha Feveiru 2017, rejista de'it insidente violénsia 2 ne'ebé envolve pesoál PNTL, enkuantu iha Janeiru 2017 insidente 3. Número ne'e konsidera tun kompara ho número average (*rata-rata*) durante fulan 12 ikus (Fevereiro 2016-Janeiru 2017) ho insidente 4.6 kada fulan.


#### Pesoál PNTL Envolve iha Insidente Violénsia




Insidente Violénsia 2 liga ho pesoál PNTL mak hanesan: Insidente 1 akontese iha Suku Debos, Postu Administrativu Suai ne'ebé polísia trázituz baku jornalista ida tanba hasai foto bainhira halo hela pasa revista; Insidente 1 seluk akontese Iha Aldeia Mota-Ulun, Suku Becora, Postu Administrativu Cristo Rei ne'ebé pesoál PNTL ida la uza farda halo ameasa ba joven balun hafoin sira hemu tua hamutuk.

## KARATERÍSTIKA INCIDENTE


### Total Incidente: Fevereiru 2017




### Fatin Akontese Incidente Violénsia




### Numeru Incidente kada Postu Administrativu Husi Numeru 3 ba Leten




## Sasán Ne'ebé Uza iha Incidente Violénsia




## EMA Ne'ebé Hahú Halo Violénsia nia Knaar




## EMA ne'ebé Hahú Halo Violénsia nia Jéneru




### EMA NE'EBE HAHÚ HALO VIOLÉNSIA NIA IDADE




### VÍTIMA NIA IDADE




### VÍTIMA NIA KNA'AR




### See mak Responde




### VÍTIMA NIA JÉNERU



### FATÓR NE'EBÉ HAMOSU INSIDENTE VIOLÉNSIA





### ATIVIDADE PREVENSAN NO RESPONDE BA KONFLITU

#### Atividade Ne'ebé Hala'ó Husi Ekpa Sistema Atensaun no Responde Sedu (AtReS)

- ▶ Atu redús violénsia eleitorál iha eleisaun prezidensiál no eleisaun parlamentár 2017, Belun liu husi Rede Prevensaun no Responde Konfliktu (RPRK) Postu Administrativu Laga, Baucau halo sosializasaun lei eleisaun iha Suku 8 iha Postu Laga. Oradór prinsipál iha atividade ne'e mak CNE, STAE, Komandante Eskuadra no Administradór Postu Administrativu Laga. Atividade realiza husi loron 21 to'o 27 Feveireu 2017.



- ▶ Iha loron 28 Feveireu 2017, ho apoiu Parseria husi Uniaun Europeia, Programa Nasoins Unidas ba Dezenvolvimentu (UNDP) no Departamentu Relasaun Política Nasoins Unidas mak ONG Belun liu husi Sistema Atensaun no Responde Sedu (AtReS) lansa ona website ida atu fornese no fahe informasaun/dadus atuál ba parseiru sira iha Timor-Leste, ho instrumentu (tool) foun ida ho forsa atu



identifika insidente violénsia jerál no insidente violénsia eleitorál ne'ebé akontese no dezeña tempu ho apropriadu atu responde, iha tempu kampaña, tempu eleisaun no depois eleisaun ba eleisaun prezidensiál no Parlamentár.

#### Atividade Ne'ebé Hala'ó Husi Ekpa Programa Apoiu Polisiamentu Komunitária (PAPK)

- ▶ Enkontru regulár Konsellu Polisiamentu Komunitária (KPK) hala'ó iha Munisipiu lima hanesan iha Covalima, Dili, Likisá, Manufahi no Vikeké iha fulan Feveireu 2017
- ▶ Planu Asaun ka Asaun Dame husi KPK realiza iha Munisipiu Manufahi dala 2, ida iha Suku Liurai, sensibilizasaun informasaun kona-ba droga, álcool, Pornografia no Roda Viaria ba comunidade sira, hanesan mós iha Suku Fatucahi. Iha Likisá realiza dala 2 hanesan iha Suku Manumeta halo diálogu komunitária ho comunidade liga ba konfliktu juventude, iha Suku Vaviquina halo diálogu no tara bandu kona-ba konfliktu juventude.
- ▶ Enkontru Konsellu Seguransa Munisipál (KSM) realiza iha Munisipiu Manufahi no Munisipiu Covalima;
- ▶ Enkontru regular representante feto KPK realiza iha Munisipiu Manufahi iha Feveireu.

#### Atividade Ne'ebé Hala'ó Husi Ekpa Clínica Asesu ba Justisa

- ▶ Sensibilizasaun informasaun ba públiku liga ba programa Clínica Asesu ba Justisa iha Lospalos iha loron 27 Feveireu 2017 no iha Suai iha loron 23 Feveireu 2017;
- ▶ Staff ONG Belun husi Programa Asesu Clínica ba Justisa, hamutuk ho funsionáriu balun iha Ministériu Justisa no Estajáriu iha Defensór Públika no mós Defensór Públiku husi Baucau no Suai partisipa iha treinamentu kona-ba Saída mak papél Defensór Públiku nia servisu no oinsá bele servisu hamutuk ho ONG Belun no parseiru sira. Treinamentu ne'e loke husi defensoría Públiku Jerál. Treinamentu hala'ó iha Centro Treinamentu Judiciario Caicoli, Dili durante loron rua husi loron 9-10 Feveireu 2017

### KONA-BA REVISTA NE'E

Revista situaun ne'e relata kona-ba asuntu xave relaciona ho insidente violénsia no tendénsia konfliktu husi koleasaun dadus monitorizasaun liuhosi Sistema Atensaun no Responde Sedu (AtReS), ne'ebé kobre iha Postu Administrativu 43, husi Postu Administrativu 65, Suku 208 iha Timor-Leste durante fulan Feveireu 2017. Belun esforsu atu fahe informasaun ne'ebé up-to-date no serteza ho dadus atuál. Hanoin katak, bele hetan mudansa situaun ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dadus, liuhosi sistema AtReS.

**Maria Oliveira da Costa**, Jestor Sistema AtReS: [bylah.belun@gmail.com](mailto:bylah.belun@gmail.com)

**Laurensius Lein**, Espesialista Prevensaun Konfliktu & Política: [laurensius.belun@gmail.com](mailto:laurensius.belun@gmail.com)